



Palids en il gaud – in appel d'ans communitgar Vossas enconuschientschas

Las versiuns tudestgas e talianas èn avant maun!

Preziadas chatschadras e preziads chatschaders

Cun in'enquista facultativa davart las palids en il gaud vulesch l'Uffizi per la natira e l'ambient – ensemen cun l'Uffizi da gaud e privels da la natira e cun l'Uffizi da chatscha e pestga – megliar las enconuschientschas davart las palids e davart autras zonas umidas en il gaud. Sco chatschadra u chatschader enconuschais Vus fitg bain il gaud en Voss territori da chatscha. Nus As vuleschan perquai supplitgar d'ans gidar a megliar las enconuschientschas davart palids e davart autras zonas umidas en il gaud. Vossa collavuraziun è natiralmain facultativa. Ils formulars d'annunzia na vegnan betg publicgads. Las datas vegnan integradas en las datas da basa dal chantun e stattan a disposiziun en furma anonimizada per planisaziuns da cultivaziun, per projectaziuns, per monitoring e.u.v.

En las palids datti in grond dumber da spezias da plantas e d'animals spezialisads, ch'èn dependentas da quest spazi da viver. Sin las surfatschas d'aua libras en las palids en il gaud pon p.ex. exister libellas raras. Ultra da quai han las surfatschas da pali e las zonas umidas en il gaud structures avertas che pon p.ex. avair ina gronda impurtanza per las giaglinas dal pe pailus. La giaglina da draussa e la giaglina da taus profitan pia directamain da las zonas umidas en il gaud. Ma er la becassa dovra zonas da gaud umidas en ses spazi da viver. Vossas indicaziuns duain servir a sclerir il stadi da las surfatschas ed il basegn d'agir per prender mesiras.

Co identifitgais Vus ina pali?

Palids resultan là, nua ch'i dat aua en surabundanza e nua che l'aua stagnescha. Ils secturs bletschs vegnan colonisads da plantas da pali (sco p.ex. charetschs, mistgels da turba). Per far l'annunzia na stuais Vus dentant betg esser in'experta u in expert da pali. I basta, sche Vus ans annunziats lieus umids fin fitg bletschs, nua ch'i creschan plantas. Las palids e las autras zonas umidas duain sa chattar en enclars sco er en gaudets rars. Per nus èsi er interessant, nua ch'i dat auas stagnadas en il gaud ubain, sche las palids han er funtaunas (auas stagnadas). Betg part da l'enquista, na fan però las auas currentas sco auas e lieus fitg pitschens saturads cun aua, sco per exempel bogns da tschiervs u funtaunas.

Co duain ils territoris vegnir annunziads?

Per che nus possian localisar las palids resp. las zonas umidas e las auas stagnadas duvain nus sche pussaivel lur coordinatas exactas. Bun fiss er in num local. Ans inditgai per plaschair, sch'i sa tracta d'ina pali resp. d'ina zona umida u d'ina aua stagnada, nua ch'i creschan plantas. Endatai per plaschair la surfatscha approximativa en m² en la colonna respectiva dal formular d'annunzia. La surfatscha minimala per annunziar palids resp. zonas umidas è ca. 100 m². Per auas stagnadas vala ina surfatscha minimala da ca. 50 m².

Nus essan fitg engraziavels, sche Vus endatais Vossas observaziuns en la glista agiuntada. Sche Vus avais dumondas, pudais Vus gugent As drizzar per telefon a l'Uffizi per la natira e l'ambient (Luis Lietha, tel. 081 257 29 63) u per e-mail ad Atragene (Daniela Lemp, lemp@atragene.ch). Sco alternativa avais Vus er la pussaivladad da trametter Vossas observaziuns sin fotografias georeferenziadas via telefonin a la suandanta adressa dad e-mail: biotope@anu.gr.ch



tschertgadas vegnan: palids resp. zonas umidas d'almain 100m² en enclars



tschertgadas vegnan: auas stagnadas d'almain 50m² en il gaud

Enquista facultativa davart zonas umidas en il gaud

Consegnai per plaschair Vossas observaziuns ensemen cun la Glista da prelevaziun da chatscha auta u da chatscha bassa a l'Uffizi da chatscha e pestga.

Num: _____ Prenum: _____ Numer da telefon: _____

Territori da chatscha:

Nr.	Coordinatas	Num local	Endatar la surfatscha approximativa (m ²) da la pali resp. zona umida	Endatar la surfatscha approximativa (m ²) da l'aua stagnada	Remartga
1					
2					
3					
4					
5					